

文選考異

# 文選考異序

毛氏汲古閣所刻文選世稱善本然李善與五臣所據本各不同今注旣載李善一家而本文又閒從五臣未免躋駁且字句譌誤脫衍不可枚舉 國朝潘稼堂及何義門兩先生竝嘗讎校是書而義門先生丹黃點勘閱數十年其致力尤勤又有圓沙閱本不著題跋而徵引顧仲恭馮鈍吟評語居多意其爲錢氏之書皆少陵所謂熟精選理者也志祖嘗借閱三家校本參稽眾說隨筆甄錄倣朱子韓文考異之例輯成四卷以正毛刻

## 文選考異序

之誤至汲古閣本卷首列錢士謐重校者較之他本爲  
勝今悉據此重加釐正其坊閒翻刻之妄謬更不足道  
云仁和孫志祖識

文選考異卷第一

仁和孫志祖補谷輯

昭明序

變其本而加厲潘氏未校厲改麗

集其清英何氏焯校清改菁志祖案清字似不必改西  
都賦鮮顥氣之清英二字固有本也

兩都賦序

虞丘壽王案漢書吾丘壽王此作虞丘蓋古字通

西都賦

衆流之隈汧涌其西許氏慶宗云善於此二句無注蓋無此二句或五臣本有之後人屢入善本介

挾豐灞何云霸水古名滋水因秦穆霸世更名霸水故不加水旁見漢書地理志及水經注志祖案後漢書固傳載此賦亦無水旁

繚以周牆說文土部塙字云周垣也徐鍇繫傳引此句作塙以周垣

倣太紫之園方何云園宋本作圓後漢書注太微方而紫宮圓志祖案西京賦園闕竦以造天善引字書曰園

亦圓字也則二字固不分矣

仍增崖而衡闕徐鍇說文繫傳引作仍曾厓而爲闕  
合歡增城何校城改成案西京賦增成合驩亦作成  
隋侯明月何云史記雖本有隋字但此處隋字宋本及  
後漢書皆作隨不獨隋文帝始去是也

玉階彤庭案曹子建贈丁儀詩凝霜依玉除注引西都  
賦作玉除彤庭至傅長虞贈何劭王濟詩攜手升玉階  
善注引此賦仍作階字金氏銓云階除之義亦無甚分  
別然文句自有一定未知孰是

文選考異卷一

二讀齋齋叢書甲

命夫惇誨故老許云惇後漢書作諄章懷注詩大疋曰  
誨爾諄諄鄭注云我教告王口語諄諄然諄音之純反  
內則別風之嶢嶢之字衍潘校何校竝刪

目眴轉而意迷許云說文目部矐下繫傳引此文眴作  
矐

抗仙掌以承露案曹子建又贈丁儀王粲詩承露槃泰  
清注引西都賦曰抗仙掌以承露廣雅曰抗摩也槃與  
抗同古字通則當作抗字矣

奮泰武乎上圉後漢書作大武注謂大陳武事也泰武

無義

若摘錦布繡六臣本錦字下有與字

鳥則元鶴白鷺何云後漢書無鳥則二字案文義當從  
後漢書

招白鵬何云後漢書鵬作閒注云招猶舉也鵲有黃閒  
之名此言白閒蓋弓弩之屬今以揄文竿句例之當以  
後漢書爲正志祖案王應麟困學紀聞云御覽引風俗  
通白閒古弓名

今本風俗  
通無此語

行所朝夕潘校所改正志祖案所如獻於公所朝於王

所之所蔡邕獨斷云天子以四海爲家故謂行在爲所是也漢制車駕所在曰行在所潘校恐非李善不注此二字而李周翰注有朝夕行止不改易其儲蓄供具之語稼堂緣此誤耳

東都賦

由數朞而創萬代何云代後漢書作世李善避太宗諱改

功有橫而當天討有逆而順民功五臣作攻討五臣作計志祖案此善與五臣兩失之也如上句作攻則下句

應討上句作功則下句應計矣

何云功有橫計有逆皆言其不得已耳後漢書

注引逆取順守之語非是

不階尺土一人之柄案一人當作一民李善避唐諱改

九錫文一人尺土朕無獲焉同

正予樂困學紀聞云東都賦正予樂文選善注亦引大予五臣乃解爲正樂今本作雅樂誤志祖案後漢書固傳作予然章帝紀亦有作登歌正雅樂之語則五臣未爲失也

羣臣之序旣肅羣臣當從後漢書作君臣

文選考異卷一

匹讀畫齊書甲

填流泉而爲沼善注昭明諱順故改爲填案上文討有  
逆而順民應天順人下文順時節而蒐狩何以俱不改  
文義順字爲長後漢書作順

飲野歎山後漢書作吹野燎山

白雉詩

嘉祥阜兮集皇都後漢書無此句案此與寶鼎詩章句  
相同不應多一句當以後漢書爲正

西京賦

巨靈鼉鼉詩內巽於中國疏引西京賦作鼉鼉蓋巽鼉

音義竝同魏都賦茲回內鼎正用詩語

仰福帝居顏師古匡謬正俗云副貳之字本爲福字從衣畱聲西京賦云仰福帝居傳寫譌舛轉衣爲示讀者便呼爲福祿之福失之遠矣東京賦云順時服而設福竝爲副貳

植鍛懸敵舊刻作厭誤說文敵盾也從盾戈聲

狀亭亭以茗茗五臣作迢迢何校改茗茗

途閣雲蔓途五臣本作連顏師古匡謬正俗引此賦亦作連閣雲蔓

既乃珍臺蹇產以極壯何校壯改北

繚垣綿聯四百餘里楊慎丹鉛錄云此句本不必註薛綜注繚垣猶繞了也李善又改垣爲亘益不通矣班固西都賦繚以周牆卽此句也唐人崔塗繡嶺宮詩苑路暗迷香輦地繚垣秋斷草煙深王和甫冬日詩繚垣烏鵲近人飛其用字固不以僻注爲然也志祖案薛綜本作繚亘故以繞了解之李善本自作垣故云今竝以亘爲垣且引西都賦句爲證非李善改垣爲亘也升菴誤衍地絡玉篇手部斡字注云余忍切西京賦曰斡地絡

斨謂申布也

建予弋何校弋改戈云杜牧詩已建予戈收相土應迴  
翠帽過離宮疑卽用此史記天官書杓端有兩星一內  
爲矛招搖一外爲盾天鋒晉灼曰外遠北斗也一名予  
戈

曳雲旂旂誤梢

當足見踉蹌誤碾

白日未及移其晷六臣本無其字

清酤攸案左傳襄二十九年正義云古人多祇同音施



張甲乙而襲翠被張一本校改帳案張帳古字本通如  
供帳古只作供張也

複陸重閣何云陸疑陛

妖豔豔夫夏姬蠱五臣作冶案蠱與冶通易冶容誨淫  
亦作蠱容

若驚鶴之羣罷案之字當作與

### 東京賦

羸氏搏翼搏疑當作傅

損之又損之何校作損之又損云宋本無之字

守位以仁善注綜作人何云宋本作仁五臣作人觀下  
民志不諒句從薛作人爲是志祖案朱子周易本義云  
今本作仁晁氏從古蓋所謂非衆罔與守邦然則古易  
本作人也

於南則前殿靈臺靈五臣本作雲

左右玉几宋本及六臣本此句下竝有穆穆二字案下  
文穆穆焉皇皇焉又穆穆之禮殫注兩引禮記天子穆  
穆此處無注疑善本無

順時服而設副案古本副作福說見西京賦仰福帝居下

感物曾思曾疑當作增

感懋力以耘耔何云感疑咸志祖案此言感上之躬耕  
勤已而勉力于耘耔也作感字自可通

迄上林結徒營何云匡謬正俗作迄于上林結徒爲營  
志祖案五臣亦有此二字

溺女魃於神潢說文繫傳女部媛字引此作女媛

惠風廣被魏都賦注引作橫被案西都賦橫被六合聖  
主得賢臣頌橫被無窮作橫被是

挾三王之趨起軼五帝之長驅何云二句易置則叶韻

雖萬乘之無懼據注引方言戒備也懼當作戒

車中不內顧案論語釋文云魯論車中內顧此賦正用

魯論無不字故辭綜注云內顧謂不外視臣下之私也

李善引崔駰車左銘曰正位

位立通

授綬車中內

今本誤作不

顧今本不字乃後人妄加

故函谷擊柝於東句西字屬下句讀觀注自明五臣本

朝下有廷字誤

### 南都賦

或嵒嶙而纏運運六臣本作聯案注云相連之貌當是

連字誤運耳

穀獵豕獫戲其巔許云案據注引說文穀當作穀从犬

見說文犬部

穀說文小豚也

於其陂澤何云於字疑衍

蔣蒲蕭葭余氏蕭客晉義云案李善五臣不注蒲字諸字書蒲菰字不通借六臣本善注蔣菰蔣也下有菰音孤三字疑蒲卽菰字

爲漑爲陸陸字疑陸字之誤蜀都賦灑漑池而爲陸澤注引蔡邕曰疑雨曰漑是也張銑注水入爲漑水出爲

陸語意究不甚明

爾其則有謀臣武將何云爾其則有連用疑衍

視人用遷案此用盤庚視民利用遷語人字亦李氏避唐諱改

蜀都賦

金馬騁光而絕景云云世說文學篇注引思別傳曰初作蜀都賦云金馬電發于高岡碧雞振翼而雲披鬼彈飛丸以礮礲火井騰光以赫曦今無鬼彈故其賦往往不同

羲和假道於峻岐何云岐疑作坂

其園則有蒟蒻茱萸園當從五臣作圃以上文已賦園也園則賦果圃則賦蔬

千廡萬屋屋當從六臣本作室與出字叶且不複比屋朔別期晦期晦六臣本作晦期

第如滇池案史記五帝紀贊顧弟勿深考徐廣注弟但也引此賦云弟如滇池不詳者多以爲字誤然則今本作第殆後人所改

### 吳都賦

三才圖會卷一  
偉其區域偉五臣作瑋此注中瑋美也三字亦李周翰  
注語

旁魄而論都五臣本都下有邑字潘云都字似衍因下  
有論都字故誤耳

安可以儷王公而著風烈也據注麗著也引易六五之  
吉麗王公也則本文儷當作麗張銑曰儷偶也疑五臣  
乃作儷耳

由克讓以立風俗善本無俗字五臣本有  
包括于越何云宋本皆作于越善作于越是

振盪注流注六臣本作汪案注云水深貌作汪爲是劉  
良注汪流漫水也褚淵碑文注引亦作汪流  
迴眺冥蒙迴六臣本作迴

嗟難得而覩縷案王元長曲水詩序羌難得而稱計注  
引吳都賦曰羌難得而覩縷則此作嗟字誤也

東風扶留說文繫傳引作浮留

重葩殄葉殄五臣作掩六臣本作殄

其上則猿父哀吟六臣本則下有有字

獬子長嘯李冶敬齋古今註曰山海經曰獬見人則笑

而賦言獬子長嘯當是長笑而賦作長嘯者板本錯志祖案李善上文注固云獬子猿類猿身人面見人則嘯恐非笑字之譌也

爭接縣垂何校改爭縣接垂

烏菟之族何云烏宜改於志祖案五臣作於

林木爲之潤黷說文繫傳作林麓

解署棊布解一本校改解非也古止有解字玉篇角部解字注又古隘切署也吳都賦云解署棊布

開市朝而竝納竝六臣本作普

儼音舉音穆音說文繫傳引作颯音烈音儼

純鉤湛盧鉤六臣本作鈞

出車檻檻何云檻檻五臣作輦輦

猿臂駢脅何云駢當書爲駢猿馬假對志祖案六臣本作駢

長殺短兵何云殺廣韻作矜箋引此文亦作矜

封豨豨按字彙補豨呼各切音壑豨吼也通作豨無豨字疑傳寫之誤

覽將帥之拳勇據注拳當作權

迴靶乎行邪睨六臣本無邪字李周翰注睨視也言遊  
獵窮于天地之間將迴轡乎行視之處解亦未明何云  
疑有脫誤

篙工楫師篙誤稿

鱣鱣鮓潘云鱣當作麗金云玩上下筌罩巢句法只應  
作麗誤刻魚旁志祖案呂向注鱣鉤也未知何據竊疑  
鱣字當爲纏字之誤西京賦纏鯁鮓注纏網如箕形狹  
後廣前

飛輕軒而酌綠酈潘云酈據注不必改從酈

鐘鼓之鏗聒有殷音義云聒五臣從金殷字句絕

魯陽揮戈而高麾何校揮改援云袁刻作揮今照本注  
改無揮麾二字一句再見之理

丹青圖其珍瑋瑋字絕句六臣本珍上有象字以珍瑋  
屬下句誤何云袁本其字下有象字宋本無此節分明  
二對其句法斷不宜著象字可見宋本之妙

剖判庶士何校士改土志祖按庶士見書庶士見詩俱  
可通然此處上文云士有陷堅之銳俗有節概之風下  
以剖判庶士商摧萬俗分承恐當作士也

而與桎梏疏屬也六臣本與下有夫字

藏埋於終古埋誤理

魏都賦

虞夏之餘人何云人字唐人避太宗諱改

恒碣磈礧於青霄案玉篇山部岷字注云岷嶸見魏都賦

墳衍斥斥音義云斥玉篇籀文厂字六臣作斥志祖按斥字無義且不叶韻當卽斥字之譌

授全模於梓匠全一本作令

蕙風如薰潘校蕙改惠志祖按據善注引張衡及邊讓賦語當作惠字張銑注蕙香草也蓋五臣本作蕙耳

隔踰奕世圓沙閱本云世不叶張本作葉

武人歸獸而去戰獸當作囂囂古畜字牛馬畜類故云歸畜也說見匡謬正俗

豐肴衍衍何云據善注當作衍衍志祖按呂向注衍衍多貌蓋五臣本作衍耳

冒五莖一本作冒六莖何云以韶夏例之當作英莖又云注引六英五莖者詳舉之也引六莖者專注本文六

莖也如本文無六莖字不必重注矣。六臣作冒六英五莖諸本同然三字句讀之文義更順袁本注云善本無六英字當是無英五二字也

銜書來訊許云訊當作諄譌爲訊尔非叶韻

雖自以爲道洪化以爲隆潘云下以爲字疑衍何云細詳文義參攷五臣所注下以爲二字傳寫誤加

常山平于按平于王國見漢書地理志及景十三王傳魏書地形志注作于

判殊隱而一致何云判殊二字衍一字落一顯字潘校

同

職競弗羅圓沙閱本云弗左傳作注云職主也競作羅網之難恐太沖引文有誤

因長川之裾勢何校裾改据志祖按呂向注裾如衣以爲要勢蓋五臣本作裾耳

建業則亦顛沛業誤鄴

甘泉賦

魚頡而鳥眈眈誤眈

駟蒼螭兮六素虯按東京賦六虯之奕奕注引甘泉

賦曰六乎虬

離庠襍纒襍漢書作慘師古注曰車飾貌

封巒石關許云漢書揚雄傳及司馬相如傳均作石關  
史記司馬相如傳作石闕此書上林賦亦作石闕三輔  
黃圖作石闕也關闕義竝通此觀以石門山爲名介

徒徊徊以徨徨兮楊升菴論徊字韻舉揚雄賦語胡元  
瑞云甘泉賦徒回回以徨徨兮見漢書及文選俱非此  
徊字其末又有徘徊招搖之語楊誤無疑志祖按今文  
選作徊漢書乃作回耳胡蓋有意詆楊選漢字異者多

不必執此以難彼也

璧馬犀之璘璊宋祁曰學林云漢書作壁師古訓爲殿  
壁文選作璧五臣訓爲璧玉其義迥不同

日月纔經於枅振振說文繫傳作宸

和氏玲瓏漢書作瓏玲以韻求之當從漢書五臣本亦作瓏玲

且太彖經云亡彼瓏玲法言云瓏玲其聲子雲固習用

此二字昌黎詩用瓏玲字本此

亡國肅乎臨淵漢書無亡國二字

鸞鳳紛其銜蕤銜漢書作御顏注御猶乘也今書御字

或作衛者俗妄改

炎感黃龍據善注言焱燦熾盛又引字林曰焱火光也則本文當作焱字漢書作炎

### 藉田賦

正月丁未李善注晉書曰丁亥藉田戊子大赦

按此武帝泰始

四年事見晉書本紀

今爲丁未誤也何云禮記月令疏云耕用亥

日以陰陽式法正月亥爲天倉又王氏云正月建寅日月會辰在亥故耕用亥然則丁未誤明矣

垂髻總髮髮晉書潘岳傳作髻王氏鳴盛云作髻方與

上戾下襜叶文選作髮非是

四人之務不壹人字避諱改

下文人力  
皆存同

而神降之吉也何云吉字後人謬改福字本叶

薄采其茅茅晉書作芳王氏鳴盛云芳與農爲韻未詳  
作茅尤不可通

### 子虛賦

王車駕千乘何校從五臣作駕車

射麋脚麟漢書作格麟顏師古曰格字或作脚然當作  
格麟也史記同選

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百  
一百一  
一百二  
一百三  
一百四  
一百五  
一百六  
一百七  
一百八  
一百九  
二百  
二百一  
二百二  
二百三  
二百四  
二百五  
二百六  
二百七  
二百八  
二百九  
三百  
三百一  
三百二  
三百三  
三百四  
三百五  
三百六  
三百七  
三百八  
三百九  
四百  
四百一  
四百二  
四百三  
四百四  
四百五  
四百六  
四百七  
四百八  
四百九  
五百  
五百一  
五百二  
五百三  
五百四  
五百五  
五百六  
五百七  
五百八  
五百九  
六百  
六百一  
六百二  
六百三  
六百四  
六百五  
六百六  
六百七  
六百八  
六百九  
七百  
七百一  
七百二  
七百三  
七百四  
七百五  
七百六  
七百七  
七百八  
七百九  
八百  
八百一  
八百二  
八百三  
八百四  
八百五  
八百六  
八百七  
八百八  
八百九  
九百  
九百一  
九百二  
九百三  
九百四  
九百五  
九百六  
九百七  
九百八  
九百九  
一千  
一千一  
一千二  
一千三  
一千四  
一千五  
一千六  
一千七  
一千八  
一千九  
二千  
二千一  
二千二  
二千三  
二千四  
二千五  
二千六  
二千七  
二千八  
二千九  
三千  
三千一  
三千二  
三千三  
三千四  
三千五  
三千六  
三千七  
三千八  
三千九  
四千  
四千一  
四千二  
四千三  
四千四  
四千五  
四千六  
四千七  
四千八  
四千九  
五千  
五千一  
五千二  
五千三  
五千四  
五千五  
五千六  
五千七  
五千八  
五千九  
六千  
六千一  
六千二  
六千三  
六千四  
六千五  
六千六  
六千七  
六千八  
六千九  
七千  
七千一  
七千二  
七千三  
七千四  
七千五  
七千六  
七千七  
七千八  
七千九  
八千  
八千一  
八千二  
八千三  
八千四  
八千五  
八千六  
八千七  
八千八  
八千九  
九千  
九千一  
九千二  
九千三  
九千四  
九千五  
九千六  
九千七  
九千八  
九千九  
一千  
一千一  
一千二  
一千三  
一千四  
一千五  
一千六  
一千七  
一千八  
一千九  
二千  
二千一  
二千二  
二千三  
二千四  
二千五  
二千六  
二千七  
二千八  
二千九  
三千  
三千一  
三千二  
三千三  
三千四  
三千五  
三千六  
三千七  
三千八  
三千九  
四千  
四千一  
四千二  
四千三  
四千四  
四千五  
四千六  
四千七  
四千八  
四千九  
五千  
五千一  
五千二  
五千三  
五千四  
五千五  
五千六  
五千七  
五千八  
五千九  
六千  
六千一  
六千二  
六千三  
六千四  
六千五  
六千六  
六千七  
六千八  
六千九  
七千  
七千一  
七千二  
七千三  
七千四  
七千五  
七千六  
七千七  
七千八  
七千九  
八千  
八千一  
八千二  
八千三  
八千四  
八千五  
八千六  
八千七  
八千八  
八千九  
九千  
九千一  
九千二  
九千三  
九千四  
九千五  
九千六  
九千七  
九千八  
九千九

其樹梗枿豫章其史記漢書竝作巨五臣本同上林賦  
深林巨木與此句法相似

蠟阿爲御蠟阿史記作纖阿

傲執受訓說文人部御字引作傲御受屈

紆徐委曲漢書無此四字何云上林又有紆徐委蛇之  
文則此處無者爲勝也

翕呬萃蔡按琴賦新衣翠粲注引子虛賦作翠粲

怠而後發游於清池史記同漢書無發字作一句讀  
奔揚會揚五臣作物呂延濟注奔物謂急波也漢書作  
揚

### 上林賦

不務明君臣之義善本無臣字

的皪江靡說文繫傳引作玃皪江湄

歲持若蓀何云持郭本作橙顏注以持爲苻字之誤苻  
鬼目也志祖按郭注引韋昭曰持音懲則不作橙字矣  
師古曰流俗書本持字或作橙非也史記作橙

入乎西陂按文心雕龍通變篇引上林賦作月生西陂然張揖注云日朝出苑之東池暮入于苑西陂中則不當作月生也與馬融廣成頌大明出東月生西沼辭旨自別

青龍蚴蟺於東箱史漢作箱五臣本作箱箱字誤

連卷櫪倮櫪史記作累

爛漫遠遷漫誤熈

河江爲陸五臣作江河

櫪鷁牛首按牛首漢書霍光傳作牟首牛牟聲相近劉

原父以牟爲岑牟失之

奏陶唐氏之舞顏師古漢書注云陶唐當爲陰康古今人表有葛天氏陰康氏呂氏春秋曰昔陰康氏之始陰多滯伏民氣鬱闕故作舞以宣導之高誘不觀古今人表妄改呂氏本文志祖按舞賦注引呂氏春秋亦作陶唐豈高誘改本耶

文心雕龍事類  
篇亦作陶唐

巴渝宋蔡史記考異云巴俞當作嘯喻說文引司馬相如說淮南宋蔡歌舞嘯喻正據此賦蓋以宋蔡嘯喻與淮南于遮對文也許叔重生于漢時所見本當不誤嘯

巴相近故或作巴俞郭景純以巴渝舞當之非是

淮南干遮何云干史漢竝作于

靡曼美色史漢五臣竝作靡曼美色于後李善注色下  
或云於後非也

柔橈嫋嫋史記作嫋嫋漢書作嫋嫋此嫋嫋疑嫋嫋之  
譌嫋古娟字也說文嫋好也从女戾聲讀若蜀郡布名  
與俗殊服何云俗漢書作世避諱改

而樂萬乘之侈漢書五臣侈字上竝有所字何云萬乘  
之所侈謂天子猶自謂此太奢侈者也

羽獵賦

東南至宜春鼎湖何云東字漢書無疑衍

齊桓曾不足使扶轂按宋郊祀歌星驅扶輪注引羽獵

賦曰齊桓公會不足使扶輪與此小異然此注引春秋

感精記

春秋上誤衍呂氏二字

夾轂之語則當作轂字也郊祀歌

注又引羽獵賦曰風詡詡其扶輪羽獵賦無此文疑卽

甘泉賦風從從而扶轄兮之誤

任彥昇賡桓文扶轂注引羽獵賦

友仁義與之爲朋何校從漢書刪之字志祖按子雲甘

泉賦方攬道德之精剛兮侔神明與之爲資與此句法

相似之字似不可刪

天與地沓沓漢書作沓顏注云以沓爲沓非惟乖理蓋已失韻志祖按楚辭天問天何所沓十二焉分王逸注云沓合也言天與地合會何所子雲蓋祖屈原之語霹靂列缺列誤烈下鱗羅布列同

逢蒙列眚列當作裂

魂亡魄下當從漢書五臣本增失字

夫古之覲東嶽夫漢書作太

丞民乎農桑丞漢書作承五臣作蒸按當依五臣爲是

長楊賦

聊因筆墨之成文章漢書無之字

封豕其土土漢書作士

吮鋌癥耆何云吮漢書作充臣必以爲當作銳

莫不躄足抗首首漢書五臣本竝作手按羽獵賦抗手  
稱臣古手首字通

奉太尊之烈李善注太尊謂高祖漢書作太宗梁氏玉  
繩云文帝爲太宗與下句遵文武之度複矣當依文選  
拮隔鳴球拮隔五臣本作夏擊

射雉賦

瞋悍目以旁睠圓沙本云左傳睥其目作睥

伊義鳥之應機機善本作敵五臣作機

東征賦

歷滎陽而過卷六臣本卷上有武字呂向注滎陽武卷  
皆縣名按漢書地理志河南郡有滎陽縣卷縣無武卷  
縣疑武字因下文原武陽武而衍向注臆度不可爲據  
食原武之息足之當作以

民亦尚其丘墳尚水經濟水注引作嚮

俗本水經注作嚮

蓋向

字之譌

惟令德爲不朽兮爲水經注作之

西征賦

匪禍降之自天禍降六臣本作降禍

容景悼以迄丐水經洛水注引崔浩注西征賦云定當  
爲敬按賦文不及定王疑定字誤本云丐當爲敬景悼  
皆舉謚不應丐獨稱名也

長傲賓於柏谷傲賓水經河水注作傲客

感徵名於桃園何云園疑作原

況於卿士乎六臣本云善本無此句按卿士疑鄉土之  
譌

於是孟秋爰謝秋五臣作春

陸賈之優游宴喜何校宴改燕

皆揚清風於上烈烈五臣作列

欲法堯而承羞羞五臣本作禪按若作禪字則下句終  
古不刊無著不如善本之爲安也

庶人子來何云人字避諱改

均之埏埴五臣本均字上有猶字

庶免夫戾夫一本作大

遊天台山賦

近智以守見而不之六臣本近智下有者字

蕪城賦

重江複關之隩何云宋刻鮑集作重關複江

伏魑藏虎注云魑或爲魑爾雅曰魑白虎按魑卽古暴字伏暴無義當從別本作魑

南國麗人何云麗宋本作佳正與注引陳王詩合志祖按五臣本作佳

魯靈光殿賦

狀若積石之鏘鏘何校鏘改嶸志祖按據注引西都賦  
當作嶸

洞房窈窕而幽邃窈誤叫

屹鏗瞑以勿罔鏗瞑五臣本作嘑矐呂延濟注嘑矐視  
不明也

宙窈垂珠說文繫傳引作窈吒

𧈧熊罴以斷斷說文繫傳引作𧈧熊因談

上及三后上六臣本作下按上文云上紀開闢則此處

下字無疑

景福殿賦

歲三月五臣本作二月誤

不足以訓後而示厥成何云示一本作永

聲訇礮其若震何校礮改殷志祖按據注引詩傳當作殷

櫺檻邵張注邵或爲丕何云以丕爲邵避文帝諱也

照遠戎之來庭照當從五臣作昭

清風萃而成響響誤饗

海賦

昔在帝嬀巨唐之代陳少章云巨五臣作臣然觀此注  
臣堯之解則似善本亦作臣巨字乃後來傳寫之譌也  
若乃大明撫轡於金樞之穴江陰趙氏曦明讀書一得  
云月稱大明未詳所出注引繫辭傳亦未安大疑夜字  
之譌

瑕石詭暉說文繫傳石部礫字引作礫石詭光

羣仙縹眇何校縹改眇志祖按據注引魯靈光殿賦語  
當作眇

江賦

咨五才之竝用才當作材

鵠驚鷗馱說文馱字繫傳引此文馱作馱注曰馱似鳬  
潛達傍通水經沔水注達作達

傲自足於一嘔嘔五臣本作軀按嘔與謳字同上文云  
詠採菱以叩舷固當作嘔字也

陽侯遜形乎大波據注則本文當作陽后

風賦

枳句來巢詩南山有枸正義引作枳枸來巢枸省作句

釋文栒俱甫反枳栒木名說文作棖橄

得目爲瞶按說文目部瞶字注目眊也繫傳引此作瞶

雪賦

折園中之萱草擿階上之芳薇二句善本無朱超之云  
萱薇非雪時所有後人因下文枝葉二字乃增益此兩  
語介案雙舞孤飛借以寄託睽違枝葉指取遙思文義  
本自貫注插入萱草芳薇殊屬不倫當从李本爲優

兮陰凝 太陽曜邱光庭兼明書凝下多沍字曜上多

輝字

任地班形形誤行

月賦

鴈流哀於江瀨於誤而

鵬鳥賦

變化而鱸許云鱸疑嬪字之異文嬪古禪字代也

水激則旱兮淮南兵略說苑談叢旱竝作悍

何足控搏何云搏漢書作揣揣搏古字通

或趨東西按史漢作西東乃叶韻

窘若囚拘玉篇人部僂字注引鵬鳥賦云僂若囚拘謂

肩僂僂也吳都賦畢隴僂東注引鵬鳥賦亦作僂史記  
作攔

得坻則止漢書坻作坎

鸚鵡賦

何今日之兩絕金云按王仲宣贈蔡子篤詩曰一別如  
雨注云鸚鵡賦曰何今日以雨絕則此作兩絕者誤也  
志祖按又見江文通擬潘黃門述哀詩雨絕無還雲注  
敢背惠而忘初背誤昔

鷦鷯賦

戀鍾代之林野代誤岱

赭白馬賦

維宋二十有二載五臣作十有四載

簡偉塞門注云注曰塞紫塞也有關故曰門塞或爲寒

非也按馬生北地卽作寒門亦可楚辭遠遊曰踔絕垠于

寒門張衡思予賦曰望寒門之絕垠兮志祖按應德璉

建章臺集詩言我寒門來注淮南子曰北極之山曰寒

門高誘曰積寒所在故曰寒門

睨影高明明六臣本作鳴

望朔雲而蹠足說文繫傳曰望朔雲而蹠足今俗作蹠  
覲王母於崑崙六臣本作崑墟

幽通賦

窮與達其必濟圓沙本云濟不趁韻恐是齊字或儕字  
志祖按漢書注濟合韻音子齊反曹大家云濟渡民人  
則非齊與儕之誤也師古曰固自言美前人之餘業窮  
則獨善達則兼濟也

違世業之可懷違漢書作悵師古曰悵字與遽同是也  
既訊爾以吉象兮許云訊當從漢書作諄諄告也注引

尔正亦誤作訊

鮮生民之晦在晦漢書作晦字誤

羸取威于伯夷分姜本支乎三趾圓沙本夷改益又引  
陳云韻書趾時同音說文曰時天地五帝所基趾祭也  
似從三時爲長志祖按漢書伯夷作百儀六臣本亦作  
百儀趾漢書作止伯夷與百儀形聲相近而譌百儀與  
三止對應劭注爲有儀鳥獸百物之功正解百儀二字  
劉仲馮曰百儀則柏將也語譌耳亦誤

宣曹興敗於下夢兮下疑卜字之譌纂注下夢下人之

夢也恐非

漢書作下

妣聆呱而刻石兮音義云字書無刻字漢書作刻蓋卽刻字之誤志祖按顏師古匡謬正俗引幽通賦亦作刻蕭該漢書音義曰曹大家本作劾蓋劾字誤作刻耳皓頤志而弗傾傾漢書作營

惟聖賢兮漢書五臣竝作賢聖於韻爲叶

思予賦

彼無合而何傷兮而何一作而可潘校改其何惡旣死而後已惡當從五臣作要

寶蕭艾於重笥兮寶後漢作珍李善云蓋瑤字相似誤耳志祖按作珍字亦何不可若作瑤字於文不安

昭綵藻與琬琰兮琰後漢五臣竝作琢

咨媚嫫之難竝兮何云妬當從後漢書作妒志祖按五臣亦作妒

利肥遯以保名何云肥後漢書作飛乃合象辭無所疑也之意又云飛字不知者妄加雌黃以七啟校之自審然不讀姚令威西溪叢語未有不反疑古人善本爲誤也志祖按六臣本作飛西溪叢語云肥字古作𦵏與古

蜚字相似卽今之飛字後世遂改爲肥字

我修絜以逸榮逸六臣本作益

簡元辰而俶裝注俶始也按謝靈運初去郡詩促裝返  
柴荆注引思予賦曰簡元辰而促裝與此異

顧續處彼湘濱顧續後漢書作翩擯注翩連翩也擯棄  
也六臣本作翩續李周翰注翩續美貌

毋縣攀以滓已兮滓誤倖

出石密之闔野兮善注下既有鍾山此石密疑是密山  
志祖按石後漢作右謂西方也山海經云西北曰崧山

抨亟咸以占夢兮何校抨改倂以六臣本作使

僉供職而來迓來善本作竝五臣作來

氛旄溶以天旋兮溶誤容

後委衡乎兮冥衡字上脫水字

懲洿忍而爲清懲後漢書作激六臣本作澄激澄字同

劉良注函懷其風以澄混濁之氣

爛漫麗靡藐以迭過一本脫此二句

偃蹇夭矯婉以連卷兮婉後漢書作媿嚴氏元照曰說

文兔部有婉字云兔子也婉疾也張賦當是婉字

儵眩眩兮反常閭眩眩誤作眩眩

迴志竭來從乎謀何云謀宋本作謨音基志祖按後漢書亦作謨於韻爲叶

閒居賦

閒晉書作閒

序而良史書之以巧宦之目書五臣作題晉書書之下有題字

府主誅何云晉書無主字非

賦傲墳素之場圃傲晉書作邀

陪京汭伊陪晉書作背

備千乘之萬騎何云之字疑誤

長門賦

序 奉黃金百斤何云宋刻注云善本無黃字

賦 心嫌移而不省故今注云鄭乎周禮注曰嫌絕也

嫌字或從火非何校從注嫌改嫌志祖按嫌字並不訓

絕說文爍火爍車網絕也周禮曰爍牙外不爍今本攷工記作

廉李氏既引周禮注語自當作爍字矣乃又云字或從

火非未詳所據

懷真慙之懽心真當從六臣本作貞

飄風迴而赴閨兮赴善本作起

委參差以櫟梁梁說文繫傳作寔

爛耀耀而成光何云一作煥爛熒而成光

惕寐覺而無見兮何校寐改寤

思舊賦

序 余與嵇康呂安余下五臣有少字

賦 歎黍離之愍周兮何云愍聰也當依各本作愍汲

古閣本文選中愍字多誤作聰

惟古昔以懷今兮何云曰懷今則所感不獨在嵇呂也

五臣本作懷人誤矣

歎逝賦

何視天之芒芒芒芒五臣作茫茫

恨賦

爲怨難勝怨一本作恨

顧弄稚子當從五臣作右顧稚子與上句對

此人但聞悲風汨起汨一本作颭

血下霑衿血一本作泣按若作泣下則注引毛詩鼠思泣血之語無謂別賦瀝泣共訣按血相視注云泣血已

見恨賦蓋善本作泣血也

車同軌同當從六臣作屯

別賦

棹容與而未前未善本作詎

感寂漠而傷神感潘校從五臣作成

金閨之諸彥杜詩李侯金閨彥用此善本作金門六臣  
本善注亦無金閨金馬門也六字

文賦

誦先人之清芬按注云先民謂先世之人又引詩先民

有作疑本文是先民人字避唐諱改

抱景者咸叩圓沙本云宋本景作暑可知宋本未嘗無  
譌

或言順而意妨意六臣本作義李周翰注言雖順美於  
義理復有妨也

固高聲而曲下何云高聲疑聲高志祖按五臣作聲高  
或受吹於拙目吹誤吹董斯張吹景集云受蚩拙目之  
蚩宋本作吹

故蹠蹠於短韻何校韻改垣志祖按據注引國語似當

作短垣然六臣本亦作短韻善注無國語一條而呂延濟注有遲滯小篇之語則非短垣之誤矣疑善本有誤作短垣者後人遂謬引國語注之汲古閣只知改正本文而注則襲而未刪也

思乙乙其若抽吹景集云說文解乙字云象春草木冤曲而出陰氣尚彊其出乙乙也松雪行楷作𠂔𠂔字殊誤

洞簫賦

揚素波而揮連珠兮揮誤揮潘安仁金谷集詩激波連

珠揮用此

憤伊鬱而酷醜醜疑醜字之譌五臣作醜

攏若枚折攏誤獵

鍾期牙曠悵然而愕立兮善本無立字五臣本有

舞賦

紆清揚揚誤陽

啟泰貞之否隔何校貞作眞云楊太眞本此

樂而不洩何云洩五臣作溢以善注觀之亦當作溢

長笛賦

序 又性好音律律善本作能

獨臥鄆平陽鄆中五臣鄆下有縣字

賦 正瀏漂以風冽漂誤漂

或乃植持縱纏纏五臣作纏

以知長戚之不能閒居焉按寡婦賦情長慙以永暮兮  
注引長笛賦曰長慙慙不能閒居兮誤

溫直擾毅擾誤優

琴賦

予嶺巖兮一本作互

競名擅業競當作競李周翰注競懼也亦強解

明嬾瞭惠惠一本作慧按笙賦壹何察慧瞭慧猶察慧

也當作慧字

惠慧古字通

絃長故徽鳴徽東坡志林作微

亂曰亂誤辭

嘯賦

大而不洿洿晉書作誇

列列颺揚列列晉書作烈烈

羣鳴號乎沙漠許云依注漠當作幕

文選卷一  
蕩埃藹之溷濁藹晉書作靄

高唐賦

沫潼潼而高厲厲誤礪

振陳磴磴注振已見上林賦音振圓沙本振改振志祖  
按上林賦盤石振崖文選作振漢書作振然此注云音  
振則當從校改振

公樂聚穀據注樂當作巢或注中巢字譌

何節奄忽何五臣作弭

神女賦

其夜王寢沈括補筆談云高唐賦序云先王嘗遊高唐則夢神女者懷王也非襄王也又神女賦曰楚襄王與宋玉遊於雲夢之浦使玉賦高唐之事以文考之所云茂矣美矣至不可勝讚若皆玉之言也宋玉稱歎之可也不當却云王曰若此盛矣試爲寡人賦之又曰明日以白玉人君與其臣語不當稱白又其賦曰他人莫覩玉覽其狀望余帷而延視兮若流波之將瀾若宋玉代王賦之若玉之自言者則不當自云他人莫覩玉覽其狀旣稱玉覽其狀卽是宋玉之言也又不知稱余者誰

文選考異卷一

三才讀書齋叢書甲

也以此考之則其夜王寢夢與神女遇者王字乃玉字耳明日以白玉者以白王也王與玉字誤書之耳前日夢神女者懷王也其夜夢神女者宋玉也襄王無預焉從來枉受其名耳。趙曦明云二賦高唐之末曰王將欲見之云云神女之起曰其夜王寢果夢與神女遇上下緊相承接豈得欲見者是襄王入夢者反不是襄王而是宋玉容齋五筆所載其謬固有不待辨而可明者調心腸以下復加王曰者既荅而復言詔孟中皆有之乃張鳳翼不悟其非攘爲己說改第二第三第五第六

四王字爲玉字第三第四第五三玉字爲王字義門老  
眼亦極口稱之不管二賦文理承接云何其可怪也自  
以告語爲義上下可通卽如錫爲上錫下之詞而師錫  
帝曰下亦用之於上矣夢是王夢賦是王使宋賦所以  
少陵詩曰侍臣書王夢賦有冠古才

禮不短按說文曰禮衣厚貌字從衣詩何彼禮矣是也  
今刻本誤禮洛神賦禮織得衷同

眸子炯其精朗兮精一本作清

眉聯娟似蛾揚兮何云似一作以志祖按洛神賦修眉

聯娟注引此賦亦作以

登徒子好色賦

題注并序音義云六臣同按此賦無序二字誤加

洛神賦

左倚采旄倚誤以

歎匏瓜之無匹兮何云瓜王子敬書作媧

陵波微步陵五臣作凌

文選考異卷一

文選考異卷第二

仁和孫志

南陔

受哺于子受一本作反

華黍

亦挺其秀亦一本作禾

由庚

獸在于草何校于改在志祖按五臣作于善作在

五緯不逆何云緯宋本作是圓沙本云尚書曰時注是

也或改緯非志祖按困學紀聞云洪範五者來備史記  
五是來備荀爽謂之五韙李雲謂之五氏

山儀

武加外悠加六臣本作功

述祖德詩

委講綴道論何云綴集作輟

諷諫詩

始其茲怙何云茲怙宜作怙茲韻旣叶文亦順志祖按  
五臣作怙茲

勵志詩

熠燿宵流熠燿誤作熠熠

責躬詩

光光大使我榮我華魏志作朱紱光大使我榮華  
剖符受土土魏志五臣竝作玉

關中詩

身膏氏斧晉書周處傳作齊斧

誰謂荼苦謂誤爲

命彼上谷彼誤被

公讌詩

華館寄流波流波字重圓沙本改清波

大將軍讌會被命作詩

睿哲惟晉按睿疑當作濬用詩濬哲維商語也

晉武帝華林園集詩

九有斯靖晉書作九有來踐按作踐字於韻似協然上文旣云無義不踐此不當又複踐字也

貽宴好會何云貽疑作怡謂歡宴也志祖按向曰貽遺也作貽亦可晉書作貽

射御茲器何云射五臣作躬是也

過亦爲失晉書作過則有失

九日從宋公戲馬臺集送孔令詩

歸客遂海岫岫當作隅注引書至于海隅蒼生

弭棹薄枉渚渚誤道

應詔讌曲水作詩

君彼東朝何云君藝文類聚作居

皇太子釋奠會作詩

達義茲昏何云茲疑作滋傳寫誤也

侍宴樂遊苑送張徐州應詔詩

何云五臣本題無張字呂向注希範

時爲中郎武帝弟宏爲徐州刺史應詔送王按詩有匪親孰爲壽之語五臣本是也

雨息雲猶積注集本作漬字更勝

覽古詩

二主剋交歡剋當作克

東琴不隻彈按善本作瑟五臣作琴呂延濟注實鼓瑟而言琴者文之失矣何以必從五臣耶

張子房詩

興亂罔不亡何云尚書太甲云與亂同事罔不亡興字

當爲與傳寫之誤呂向解爲復興于亂道未有不亡謬  
悠甚矣唐人大抵不甚信古文故不引以爲注志祖按  
善注引古文尚書及孔傳甚多何云不信古文耶

秋胡詩

密此金玉聲此善本作比五臣作此

五君詠

立議迂流俗誤作立俗迂流議

劉伶善閉關彭叔夏文苑英華辨證引作劉靈云文選  
酒德頌五臣注臧榮緒晉書劉靈字伯倫唐太宗晉書

本傳作伶故他書通用伶字

一麾乃世守何校世改出

詠史

明星農未稀農誤辰

百一詩

所以占此土何校改所占於此土

招隱詩

白雲停陰岡何云雲字當從宋本作雪爲更佳志祖按

世說新語注作白雪

見任誕類下

峭蒨青蔥閒何云峭蒨朱子集中皆作峭蒨似與鮮明  
協志祖按朱子蓋從五臣也

登池上樓詩

臥疴對空林下五臣本有衾枕昧節候褰開暫窺臨二  
句何云有此二句氣脈始屬

持操豈獨古注引莊子罔兩責影曰曩子坐今子起何  
其無持操與金云按莊子作特操注與本文恐俱誤作  
持志祖按陸德明莊子釋文云特本或作持向云無持  
者行止無常也然則莊子別本固有作持字者矣

遊赤石進帆海

首夏猶清和何云唐省試命題作夏首

登石門最高頂詩

積石擁基階何校作階基

車駕幸京口侍遊蒜山作詩

巖險去漢宇宇誤夷

巡駕市舊垞市誤市

畱滯感遺萌萌五臣作氓

鍾山詩

蕭條無所欲所一本作可按據注引老子不見可欲語  
當作可

遊沈道士館詩

遇可淹留處便欲息微躬二句五臣本無

古意

修篁壯下屬何云篁疑作湟

詠懷詩

開秋兆涼氣此下另爲一首當提行否則十六首矣  
連畛距阡陌注云軫當爲畛據此則舊本文選作軫字

也下文素質遊商聲注云遊字應作由然本文仍未刊  
正

志尚好詩書善本作書詩五臣作詩書

開都臨四野善本作開軒五臣作開都誤劉良注謂出  
於都外乃強解耳觀沈約注亦作開軒可證何以必從  
五臣耶

秋懷詩

蕭瑟含風蟬瑟誤琴

丹青顰彫煥何校煥改換志祖按李周翰注彫煥光明

貌

幽憤詩

錢氏枚曰嵇康不應在子建之前當入臨終一類移哀傷一行於七哀詩一首之前

仰慕嚴鄭慕誤暮

寔由頑疎由誤曰

七哀詩

山峒有餘映據注映當是映字之譌六臣本作映云五

臣作映

拜陵廟作

陵邑轉蔥青邑誤色

出郡傳舍哭范僕射詩

運阻衡言革時泰玉階平二句五臣本無

還敘平生意何云意疑作志

贈蔡子篤詩

濟岱江行何云行藝文類聚作衡志祖按五臣亦作衡善本或傳寫之譌

生死固之固一本作同

贈士孫文始詩

慎爾所之何校之改主云主字從宋本然此篇似應作

之志祖按五臣作之呂延濟注謂之於澹津是也李亦於下篇始引孟子爲注則此處作主者傳寫之譌耳宋本未可爲據且文叔良聘蜀故當有所主若士孫就國則何主之有

贈五官中郎將

自夏涉冬彌曠十餘旬說文繫傳疒部店字引作自夏及徂秋曠爾十餘旬按若自夏涉冬則不止十餘旬矣且詩三章明云秋日多悲懷是秋而非冬也楚金所據本當不誤

贈從弟

華紛何擾弱當依五臣作華葉紛擾溺

豈不羅凝寒何云羅疑作隤

贈丁儀一首

儀誤義

贈白馬王彪

鬱紆將難進何云將難進當從魏氏春秋作將何念志  
祖按五臣同魏氏春秋

荅賈長淵

序 賈長淵以散騎侍東宮積年何校從五臣賈字上

增魯公二字侍字上增常侍二字

詩 金虎習質習何校從五臣改曜

魯侯戾止袞服委蛇一本脫此二句

如玉之闌之闌五臣本作如蘭

贈從兄車騎

安得忘歸草何云歸疑作憂又云萱草只取能忘忘憂  
忘歸皆可

爲顧彥先贈婦

翻飛浙江汜浙宋本作游按注中不及浙江疑宋本得

之

爲賈謐作贈陸機

神農更黃何云黃當作皇謂五帝更三皇也又云古人  
皇黃通用與注相協作王者非志祖案六臣作王與注  
引家語合

撫翼宰庭注臧榮緒晉書曰太熙末太傅楊駿辟機爲  
祭酒宰或爲紫非也何云作紫爲是楊賈讎敵岳必不  
敢代謚爲詩頌及之也下云廊廟惟清卽指誅駿事  
或云左宦左誤國

吾子洗然洗一本作洒

贈陸機出爲吳王郎中令

羽儀儲宮何校從宋本羽改乃志祖按五臣作羽善作  
乃據注引易語作羽儀爲是義門過信宋本恐不必從

贈何劭王濟

序 雖願其繾綣潘校其改共

且有家艱下五臣本有心存目替四字

郭泰機荅傅咸

何云按詩乃  
贈傅非荅也

劉越石荅盧諶詩

序 當於天下共之潘校從六臣於改與

詩 禍因莫驗因當依六臣作淫

嬾婉新婚六臣本下有不慮其敗惟義是敦二句注曰  
善無按八章皆十二句五臣本是

逝將去乎乎潘校改矣

庭虛情滿情五臣作憤按據注引白虎通語是善本亦  
當作憤也

贈劉琨

妙哉蔓葛何云妙疑眇字傳寫之誤志祖按古妙與眇

通

使是節士何云使五臣作狹是若云尤其爲意氣所使  
差爲可通今云尤而使之文義乖違甚矣

贈崔溫

何暇收民譽收誤牧

荅魏子悌

俱涉晉昌艱何云昌字乃陽字之誤卽指越石晉陽之  
敗越石父母爲令狐尼所害譙父母兄弟亦皆爲劉聰  
所害也晉雖設晉昌護匈奴中郎將考匹礪平生未爲

此職注安得從而附會耶況晉昌乃燉煌所分遠在隴  
右而匹礪爲幽州刺史尤如風馬牛之不相及也  
其更飛狐厄共誤若

於安城荅靈運

何云荅當作贈志祖按詩明云寫誠酬來訊是荅非贈也

嚶嚶悅同響何云五臣作嚶鳴是也

西陵遇風獻康樂

積素盛原疇盛六臣本作惑

登臨海嶠初發疆中作與從弟惠連見羊何共和

之

五臣本見字上有可字

酬從弟惠連

悟對無厭歇何云悟疑作晤志祖按說文繫傳日部晤字引此句正作晤歇作倦

夏夜呈從兄散騎車長沙

炎天方埃鬱何云廣韻煖熱甚宋本誤埃

直東宮荅鄭尚書

徙倚恆漏窮恆一本作悼

荅呂法曹

就見玉山岑潘校從六臣改見就志祖按就見亦通

酬王晉安

拂霧朝清閣清一本作青

奉荅內兄希叔

寂蔑終始斯始當依五臣作如

庶子及家丞丞誤臣

河陽縣作

連陪廁王寮連五臣作違劉良注遠離陪侍列天子之外寮也

歸雁映蘭時案據注則時當作汙五臣本作詩詩與汙

同作時非也

在懷縣作

初伏啟新節何云伏初學記作秋志祖按以上下文及  
注引四民月令觀之初學記誤張銑注初伏謂三伏之  
初也則五臣亦不作秋

春秋代遷逝四句音義云六臣本屬第二首喜思舊竝  
去聲

四運紛可喜紛誤分

迎大駕

俎豆昔嘗聞嘗誤常

赴洛詩

慷慨遺安忿忿誤愈

赴洛道中作

遠遊越山川此下另爲一首

辛丑歲七月赴假還江陵夜行塗口

何云塗口一作塗中塗當

爲塗卽  
滁字也

叩棹親月船按善本作新秋月五臣作親月船善本自

佳何以反從五臣耶

不爲好爵榮榮何校改榮

永初三年七月十六日之郡初發都

未絕賞心悟未當依六臣作永悟當依五臣作晤據注  
云賞心之對於此長乖又引毛詩箋晤對也則善本亦  
作永晤字無疑

靈運酬惠連詩  
永絕賞心望

富春渚

且汲富春郭六臣本作且及潘校且改日何云宋本作  
旦及

初去郡

止監流歸停何校作監止

獲我擊壤聲聲五臣作情

初發石首城

茗茗萬里帆何云茗疑作迢志祖按五臣作迢迢

道路憶山中

追情栖息時情六臣本作尋於義爲長

入彭蠡湖口

水碧綴流溫綴當依五臣作輟

入華子崗是麻源第三谷

銅陵映碧潤潤潘校從五臣改潤

北使洛

首路跼險艱艱善本作難

晚登三山

澄江靜如練靜一本作淨按藝苑卮言云謝山人謂予  
暉澄江淨如練澄淨二字意重欲改爲秋江淨如練余  
不敢以爲然蓋江澄乃淨耳據此則本詩自作淨字汲  
古閣本作靜者蓋後人以澄淨意重而妄改也

靜淨古  
字通

且發漁浦潭

文選考異卷二

去讀畫齋叢書甲

鳴鞞響沓障障五臣作嶂

早發定山

出浦水濺濺善本作淺淺據注引楚辭當作淺淺廣韻  
一先韻淺字注淺淺流疾貌與濺字義同字別

眷言採三秀眷誤春

新安江水至清

眷言訪舟客何云訪疑方

寧假濯衣巾何云假字當從文苑英華作可可字乃與  
隔字相應無斥京師爲囂滓之理也志祖按上句隔囂

滓卽元暉囂塵自茲隔意固不當如注說指斥京師假字自較可字爲勝也

從軍詩

良苗實已揮音義云六臣下有竊慕負鼎翁願厲朽鈍姿二句注曰善無

誰人獲常寧六臣本作人誰據注引國語人誰獲安當從六臣

從軍征遐路六臣本此下另爲一首

薄暮未安坻未一本校改表

許歷爲完士何云史記云軍士許歷請以軍事諫完當  
作軍傳寫誤也善以爲全具張銑又解完士爲凡士六  
臣之庸妄如此又云司馬貞索隱載江邃解完士漢令  
稱完而不髡曰耐是完士未免從軍也亦復過於迂曲  
然相仍作完固已久矣

宋郊祀歌

賁威寶命按注賁威當作寅畏

降德在民德誤聽

飲馬長城窟行

展轉不可見玉臺新詠五臣本作不相見是

書中竟如何如何當從六臣本作何如

傷歌行

昭昭素月明六臣本作明月何敬祖雜詩注引此句亦作明月

長歌行

老大乃傷悲何云乃宋本徒志祖按五臣作徒

短歌行

何云宋書明明如月一聯在呦呦鹿鳴上斯爲文從理

順

苦寒行

車輪爲之摧爲誤謂

筵篋引

生在華屋處在五臣作存晉書謝安傳羊曇誦詩亦作存

知命亦何憂亦五臣作復

美女篇

眾人何嗷嗷何五臣作徒

安知彼所觀圓沙本云觀一作歡

名都篇

我歸宴平樂我歸一本作我聞潘校從五臣作歸來志  
祖按此用詩我歸自鎬不必改從他本也  
寒鼈炙熊蹯寒五臣作炮據注當作寒

王明君辭

序 其造新之曲善本無之字五臣本有

詩 泣淚濕珠纓珠一本作朱

今爲糞上英上一本作土

君子行古詞

瓜田不納履何云邱光庭兼明書云諸經傳無納履之語按曲禮曰俯而納履正義曰俯低頭也納猶著也低頭著履則似取瓜故爲人所疑也履無帶著時不必低頭故知履當爲履傳寫誤也

從軍行

夏條焦鮮藻善本作集五臣作焦然焦字勝集

君子有所思行

酖毒不可恪敬齋古今註云不可當倒恪慎也可不恪

言不可不慎

齊謳行

南界聊攝城何云南字應爲西字之誤而李善必爲曲說以解之何哉

長安有俠邪行

要子同歸津何云子宋本作一志祖按李周翰注與子歸於會合之地則不必從宋本作一矣

悲哉行

長秀被高岑何云樂府作長莠亦澗松山苗之意志祖

文選考異卷二

十九讀畫齋叢書甲

按注引漢武秋風辭則善本固作秀矣

傷哉遊客士何云樂府作客遊似與發端遊客二字相應按宋本亦作遊客志祖按五臣作客遊

吳趨行

泠泠祥風過何云江淹擬許徵君自序詩注中引此句作鮮風今考之樂府及吳郡志皆作鮮鮮風猶西風兌爲閶闔風閶門應之故曰鮮風過也祥字不學甚矣又云或如詩度其鮮原之鮮詁爲善善風亦與泠泠相貫慶雲恰對志祖按五臣亦作鮮善本或後人謬改

日出東南隅行

高崖被華丹音義云五臣崖作岸志祖按此當從五臣

前緩聲歌

肅肅宵駕動宵誤霄

塘上行

華繁難久宜華繁一本作繁華

東武吟

追虜窮塞垣塞誤寒

肌力盡鞍甲何校肌改筋

文選考異卷二

千讀畫齋叢書甲

出自薊北門行

簫鼓流漢思思一本作颺

結客少年場行

日中市朝滿車馬若川流圓沙本云張本無此二句

苦熱行

飢猿不下食不六臣本作莫

財輕君尚惜何云財當依集本作爵志祖按據注引韓詩外傳語作財亦可不必從五臣作爵

挽歌詩

殺子非所能何云此用芊尹申亥殺二女殉靈王又云  
宋本殺作救志祖按劉良注欲以身殉子亡歿甚易獨  
救子不能致焉則殺字爲救之誤無疑不必強解也況  
通首子字皆指死者而言義甚明顯

壽堂延螭魅何云按注堂疑作宮

流離親友思音義云六臣本二三首互換志祖按流離  
接第一首末句六臣本是

### 漢高祖歌

畱置沛宮何校置字下增酒字金云史記作置酒此似

脫一字

扶風歌

夫子故有窮何云故疑作固

我欲競此曲競潘校改竟

古詩

張鳳翼文選纂注以古詩十九首爲二十分燕趙多佳人以下自爲一章嚴羽詩話稱玉臺新詠以越鳥巢南枝以下另爲一首然宋本玉臺新詠實不另爲一首此物何足貢注物或爲榮貢或爲貴按五臣作貴潘校

從五臣

迢迢牽牛星牛誤女

覩覩不得語何云覩從見從目亦可通從月則乖其義  
廣韻嘆字下箋引此作嘆嘆不得語志祖按說文目部  
眦字注目眦視也徐鍇繫傳引古詩眦眦不得語

螭蜺夕鳴悲宋本玉臺新詠夕作多

淚下沾裳衣按魏文帝燕歌行注作衣裳謝朓暉休沐  
重還道中江文通望荆山詩注竝同何云衣字合本韻  
注偶倒耳

李少卿與蘇武詩

悵悵不能

一本作得誤

辭按通鑑九十六慕容翰曰吾居汝

國久悵悵注引此詩呂向注曰悵悵相戀之情

四愁詩

序爲四愁詩何云五臣本詩下有依字是也

朔風詩

朱華未希誤作未華朱希

素雪云飛云善本作雲五臣作云

傅休奕雜詩

繁星依青天楊慎曰春秋緯云代殷者姬昌日衣青光  
衣之爲言被也如人著衣之衣注者不達誤改爲依志  
祖按依字本明顯如本作衣字李善不應無注也升菴  
多妄說不足爲據

情詩

襟懷擁靈景靈五臣作虛

思友人詩

清揚未可俟未誤永

感舊詩

郡士所背馳郡當從五臣作羣

左太沖雜詩

披軒臨前庭案文苑英華誤以此爲唐太宗詩披軒作  
披衣是也

張景陽雜詩

捨我衡門依依當從六臣本作衣

有渰興南岑按據注則本文渰字當作弇兼有江文通

擬黃門詩及注可證

詩釋文渰  
本又作弇

陶淵明雜詩

悠然望南山望一本作見何云見字就一句論誠佳然  
飛鳥山氣皆望中所有非復偶然見也悠然二字從上  
心遠生來東坡之論不必附會

此還有真意還一本作中

遠我達世情達集作遺

### 田南樹園

養痾亦園中亦字五臣作邱大失詩意

靡迤趨下岫岫一本作田

### 石門新營所住

庶特乘日用特字當從五臣作持用字是車字之誤呂  
向注恬澹無爲不知所用於心謂之日用謬亦甚矣何  
云以日爲車而遊六合之外則屈子之遠遊也

和伏武昌登孫權故城

鵲起登吳山何云吳山顏氏家訓作吳臺謂姑蘇也吳  
山無謂

和王主簿怨情

辭寵悲班班五臣作團

故人心不見善本作故心人不見殊有意味汲古閣乃

從五臣何耶

冬節後至丞相第詣庶子車中作

音義云六臣庶作世志祖按據

善注庶字當是傳寫之謬

擬魏太子鄴中集詩

序建安末何云末當爲中徐陳應劉一時俱逝在二十二年也

漢武帝徐樂諸才武帝下五臣本有時字

王粲

函嶠沒無像像五臣作象

徐幹

外物始難畢畢一作必古必畢字通

棲集建薄質何云李周翰注中有延及之語則建字乃逮字傳寫之誤耳

永夜繫白日何云以注觀之繫當爲繼如五臣本此以音相似寫誤耳

劉楨

南登紀郢城紀五臣作宛

劉休予擬明月何皎皎

誰爲客行久爲潘校改謂

鮑明遠擬古

旣荷主人恩荷誤賀

道德亦何懼德五臣作得觀注引論語則善本亦當作  
得德字似傳寫之誤

范彥龍倣古

遲留法未輕何云注遲或作逗按當作逗爲是

江文通擬王侍中

嚴風吹若葦若潘校從五臣作枯

擬陸平原

馳馬遵淮泗馬誤道

長纓皆俊民民作人避唐諱

擬盧中郎

姻媾久不虛虛一本作虧

擬郭宏農

朱霞入窗牖牖誤墉

擬張廷尉

何云五臣本張作孫是

因爲殤子天爲六臣本作謂

擬顏特進

重陽集清氣何云清氣疑作清都傳寫誤也志祖按五臣作清氛

測恩躋踰逸踰五臣作愉按據善注亦當作愉踰字傳寫之譌

擬謝法曹

煙景若流遠流一本作離

擬謝光祿

徙樂逗江陰樂五臣作藥亦通徙藥猶行藥也

涼葉昭沙嶼葉一本作月昭六臣本作照何云昭當作  
照呂延濟謂秋葉黃故云照也

擬鮑參軍

晨上成臯坂成誤城

擬休上人

悵望陽雲臺陽雲當作雲陽謂雲夢之陽也注引子虛  
賦可證

文選考異卷第二